



51485

Mag. St. Dr. P

Liberum est
Gilauſſ

MIROBVLII
TASSALINI
ADVERBIORVM,
MORALIVM.
Domus Probationis Cracoviae ad S.
Matthiae S. I. sive
DE VIRTPUTE & FOR.
TU NA

LIBELLUS



OPERA
TILMANI à GAMEREN
Imaginibus ampliatus.

VARSAVIAE,
Typis CAROLI FERDINANDI
SCHREIBER S. R. M. Typog.
ANNO M DC LXXXVIII.

34. VI. 55.



TYPOGRAPHUS LECTORI.

Virtutis & Fortunæ certamen, in Adverbis moralibus istis, velut in quodam Stadiodromo, Tibi Lector benevole, præ oculis est quæ illarum palmam teneat, experiendo feras Sententiam. Proposuit illud publico bono Vir Sanguine Princeps, honoribus Magnus Senator, & Regni Poloni, uti nos vocamus, Paterfamilias. Qui siclare labore suo Nomen proprium

A2 appo-



57485
—

apposuisset, ad hanc, quam
modò habet, novam ex sua
dignitate addidisset Lucem.
Sed ænigmate placuit invol-
vi, pravo sæculo ænigmata,
Virtutis scilicet compendia
& dispendia Fortunæ, locu-
turo. Tu tamen, Optime
Lector, Authoris prodes in
Lucem Nomen, si hæc Ad-
verbia moralia moribus tuis
inserueris, sine quibus ma-
lè compta & connexa Ora-
tio vitæ Tuæ futura est.

Vale & fave.



CA

AB

AD



SA

AD

top
f. viii

ADVERBIVM I.

A.D.

Originem conditionemq; humanam expri-
mit eiusq; fragilitatem; & docet quod ho-
mo natura sit solus ad BENE
VIVENDVM.

Ad vos loquor

O mortales!

qui ad cognitionem conditionis.

Humanæ,
velut mutaturi, ad fontem NARCISSI,
imò

Speculatorēs propriæ vilitatis,
ad Speculum laboriosæ miseriæ animo.
acceditis.

En

Primus ad vitam accessus,
Sufficiens ad mortem gradus

Est.

Non Prius.
Ad Lucem, quam ad Luctum.

AA

ad intuitum, quām ad plāctūm
ōculos aperimus;
In felicēsq;
ad omne malum Nati,
Per lachrymarū fluctus, ad miseriārū mare
deuehimur.
Ad fortuna Fallacis obsequium,
Adultior etas nos ducit.
Ad cuius
Blandientis malitiā assuefciimus tumidi,
mox ad
Ferocientis procellas desuefciim⁹ timidi,
Miseri!
Quia ad omnem casum nati,
Miseriores!
Quia ad vitia Proclives,
Miserrimi!
Quia continui ad mortem Peregrini.
O quantus tamen nobis
miseriæ & vilitatis nostræ
amor inest!

Ad

Ad habendam Sanitatēm, quanta cura!
Ad retinendam Formā, quantus labor!
Ad cōperiendū Corpus, quātus sumptus!
Ad pascendā Carnē, quantus appetitus!
Ad implendum ventrem, quanta sitis!
Ad divitias cōquirendas, quāta cupido!
Ad inania famæ, quanta ḥabitio!
Ad omnia pariter, quanta Vanitas!

Et tamen ea omnia,
Ad quæ nati sumus, cæca sunt.
Ad quæ discenda tendimus, tarda.
Ad quæ assequenda aspiramus, incerta.
Ad quæ colenda inclinamur, fallacia.
Ad quæ spem conuertimus, caduca.

Sola ea,
ad quæ fato descripti sumus,
Certa nobis, velocia, & immutabilitia
supersunt.

Certa nobis est nascendi origo;
Certa miseria, certa fragilitas;
Certa infirmitas, certus dolor,
Certus finis, certa Corruptio.

As

SED

Incerta vita. Incerta fortuna.

Incerta sanitas. Incertæ opes.

Incerta fama. Incerta possessio.

Incerti amici. Incerta Posteritas.

Incerta mortis hora.

Et quod superest

Incerta sepultura.

Vno Verbo,

Ad exprimendū totius miseriæ, vanitatis; & acerbitatis simulacrum satis est,

HOMINEM dixisse.

Quid ergo est HOMO?

ANIMAL

Miserum, infelix, inquietum,
Sterquiliniū naturæ, mancipiū peccati,
Instrumentū malitiæ, Scopul⁹ fortunæ,

Navis certa naufragij,

¶ mortis præda certissima.

Et vita quid est?

Alimentum humanæ miseriæ,

Spongia calamitatis & vitiorum,

Flamma Concupiscentiæ,

Fa-

Fumus, Aura, Ventus,
Pulvis, Vmbra. & Nihil.

Ad quid

Igitur nati sumus?

Certè

Non ad vitia, nec ad Epulas,

Nec ad Calices, nec ad Ludos.

Nec ad voluptates, nec ad gaudia,

Nec ad choreas, nec ad musicam.

NEC

Ad splendidos ornatus,

NEC

Ad colligendas opes,

NEC

Ad satiandos posteros,

NEC

Ad pascendos ingratos,

NEC

Ad victorias inanes,

NEC

Ad temporanciam Famam,

Nec ad cætera

Caduca, & Transitoria,

Sed

Ad quid igitur?

AD BENE VIVENDVM.

**



AD.

13 ADVÉRBIVM II.

I N.

Ostendit in quo nobilitas hominis consistat,
& in quo perfectum bonum sit, docet.

In humanis quicunq; versamur,
à cælestibus removemur.

In mortalibus quicunq; speramus,
ab æternis repellimur.

E T

Dum in voluptatib; quæstisq; delicijs
indignum & vile corpus
sovernus,

Animum, ah! quantò nobiliorem,
Nec ullis humanitatis illecebris [quod
absit] comparandum.

Contemnimus, & calcamus!

In animo nobilitas
inest,

Servitute corpori relicta

In animo Dominum

Æterna mens posuit

In

In mācīpiūm corpus elegit,
 In animo radius quidam divinitatis
 clauditur:
 In corpore
 Tenebræ, & Cæcitas
 Omni rationis luce privatâ comoratur,
 In animo ergo dum versamur
Nobiles Domini, imò Divini
 sumus;
 in
 Corporeis dum delectamur,
 Servi, mancipia, cæci, & tenebrosi
 Efficiuntur.
 In animo
 Infinitus Thesaurus est;
 Pretiosa illa virtutum suppellex.
Proxima Deo Iustitia,
 Infracta Fortitudo,
 Laudabilis Temperantia,
 Moderatrix Prudentia,
 & alia innumerabilis
 nulloq;

nulloq; pretio æquanda, Cælestium
 gemmarum

Congeries.

In Corpore verò
 Quam horrenda vitiorum venena,
 Nulli contactui secura:

Aculeata malitia,
 Infirma Fragilitas,
 Imoderata Concupiscentia,
 Cæca præcepſq; Stultitia.
 Et cætera immensa illa, virulentaq;;
 In excidium virtutis coniurata,
 Caterva.

Elige quæ cupis:
 Nec Tibi Lydius Lapis esto.

E T

Si bene vivere eligis,
 Corpus evita;

ac

In animo totus dege.
 Sic illo tam fœdo solutus Ergastulo

Imò

16

Imò compedibus catenaq; tui,
à virtutis via, te arcēte
liber eris.

*In animo enim vera Libertas est ;
In animo vera felicitas manet ;
In animo Perfectum bonum consistit ;
Si itaq;*

*Animi perfectus cultor es :
Omnia habes.*

*In animo Rex es, In animo Invictus,
In animo Dives,*

*In animo virtutum Sodalis,
In animo vitiorum Triumphator,*

In animo gloriosus,

In animo Immortalis,

In animo deniq;

Proximus Deo.

*Quid ergo tibi deest ,
quod*

*In animo virtutibus Exculto
Non reperias ?*

Animus

autem

17

autem Colitur

I N

Exercendo Iustitiā, Servando Pietatē,
Calcando Superbiam,
Conservando Modestiam,
In non gaudendo de vanis ,
non dolendo de adversis :

I N

Tollendo iniurias, Cōdonādo offensas,
Benefaciendo inimicis :

I N

Colendo fidelem amicitiam,
Defendendo veritatem
Sublevando Egenos
Contemnendo Pericula

In vivendo PARATUS ad mortem

I N H I S

Si te EXERCES


Tunc Benē vives :

&

Beatus es.



B



A D.

ADVERBIVM III.

A sive *AB*.

Demonstrat, à DEO omnia esse; Pieta-
temq; in DEO M omnium virtutum Princi-
pium vocat, docetq; quantum Deo
debeamus.

Ab Animo.

Totus, quicunq; pendere cupis,
Depende à DEO.

Animus namq; à DEO est.
imò

Deus est animus immortalis,
mens sancta, & æterna,
Scrutatrix mentiū cordiūq;
Sapientia.

A quo nihil inscium,
à quo nihil absconditum.

A quo
Animus, ratio, virtus,
Perfectio, lumen, intellectus,

B 2

Sum-

20

Summumq; bonum;
Tanquam
à fonte æterno,
imprincipiabili & intermina-
bili procedit.

Prima tibi igitur virtus sit,

D E U M

recognoscere, adorare, totoq; animo
venerari.

A D E O enim est,

Quicquid est.

Quod

Vivis, habes, lætaris, doles, consolaris,

A D E O est.

imò

Quod bene agis à Deo est per gratiam.

Quod malè à Deo per pœnam.

Considera igitur

ó Mortalis!

Quantum illi debeas,

à quo

Totus

21

Totus es, totum habes, totum expectas.
Vtq; in mundo multa
Parentibus, Regi, Dño, Benefactoribus,
Amicis, debes.

Cur igitur non magis illi,
qui simul

Et Pater, & Rex, & Dñs & Benefactor
imò & Amicus tuus est?

Ita enim

te dilexit, ita adamavit;

ille Sanctus, & imortalis Pater
ut Sanctificatrices manus suas
Humili flexu

Ad ignobile lutum extenderit.

Teq;

Creato & illuminato,

Formam

Sui in te,

dein

Tui, in se

Transtulerit.

B 3

Ab

22

Ab hoc igitur
Totum recognosce;
ab eo
totus depende;

Illi

Totum te animo debe;

Illum

Humili & casto corde adora;

Illum

Toto animo atq; totis viribus reverere.

Nihil quoq; facere cogita,

Quod

à Deo non incipias.

Principium enim perficit opus.

Principium autem orationis

Deus est.

Ergo

Initium à Deo, Perfectio est Operis.

Nunquam melius ages,

Quam

Si D E U M adiutorem vocaveris.

Artifex

23

Artifex Cœli & Terræ
EST.

I M ò

Artifex tui, qui agis.
Ille Te,

Movebit in bonis, docebit in dubijs,
Fortificabit in adversis,
Pro te agit in arduis.

A D E O E R G O,

Totum

Pete, Spera, Incipe,

A D E O enim

Est Virtus Tua

A Deo fortitudo, A Deo Perfectio,
A Deo gratia, A Deo Consolatio,
A Deo victoria, A Deo Gloria.

V N D E


quicquid agis

A D E O I N C I P E,

E T B E N E A G E S.



B 4



AD

ADVERBIVM IV.

V T.

*Docet æquitatem, iustitiamq; in omnibus
servandam; & quod sine ea diuturnum nil
esse possit.*

*Vt domus non cadat fundamento opus est:
Vt mundus nō pereat iustitia & æquitate.*

*Hac sublatâ,
Labile est domicilium virtutum.*

*Vt Ergo
Virtus, orbisq; perennet,
Hanc tibi imprimis firmare oportet.*

*Illa enim est
Scutum præsidiumq; vitæ.*

*Illa
Templum & Sacrarium virtutum.*

*Illa deniq;
conservatio & robur,
Omniū rerū, divinarū, Humanarumq;;
Vt Deus adoretur.*

B 5

Iusti-

26

Iustitia iubet.

V T

Lex iusq; suum orbi serviat,
Iustitia exigit.

V T

Secura cuiq; vita,
Honor, virtusq; maneat illæsa,
Iustitia defendit.

V T

Innocentia & veritas clara videatur,
Iustitia illustrat,

V T

Sancta virtus
Vitijs potior eligatur,
Iustitia svadet,
Vt deniq;

Felix beataq; vita, à sceleribus aliena,
exerceatur

Iustitia commendat, efficitq;.

Et sic

ad omne

Bonum, Beatum, Perfectum,
Sola

27

Sola Iustitia

Via, lumen, motivū, dux, comesq; est.
recteq; vocatur

Lampas divinæ Claritatis.

Per illam enim

Mens æterna,

Scrutatur tenebras humanitatis nostræ,
regitq; , & castigat.

I D E O

Quò quis eam perfectius exercet,
Eò propior D E O est.

Dicitur quoq;

Sol omnium Virtutum :
Eam enim

Sol Iustitiæ, & Veritatis,

velut Solem diei,

Ita virtutibus præpositus :

Vtq; ille stellis, sic hæc virtutibus,

Prælucet.

unde

Sicut Deus est Sol inter justos,

Sicut

Sicut Sol est Sol inter Stellas,
Sic Iustitia est Sol inter Virtutes.

Sic & Tu,

Inter homines

Si Ivstus es, SOL es,

Cæteri Tenebræ sunt, ymbra sunt.

Perfecta autem IvSTITIA

In hoc vel maximè consistit:

Vt nihil statuas, eligas, jubeas,
nullamq; legem feras,

Quæ sit Deo & virtutibus contraria.

Vt primus sis ad exercenda ea,
quæ in alios statuis.

Iniquum enim est statuenter propriâ
lege convinci.

V T

Virtutein veram

Diligas, præmies, compenses,

Vitia, Scelera,

omnesq; Excessus

abomineris,

defendas, castiges.

Vtrumq;

Vtrumq;

non ex affectu, vel passione aliqua,
non ex commodo, vel spe gratiæ,

Sed

Ex puro amore Virtutis, & odio Sceleris:

V T

nihil temere judices,

Nulli parcas ex affectu,

nullum damnes ex odio,

Totum ex probato,

nihil ex opinato.

V T

Veritatem exhibeas;

Omnemq; falsitatem, & mendacium
abomineris;

ne

Aut innocentia alterius cadat
in condemnationem,

Aut peccatum exaltetur in Gloriam,

Hæc omnia,

V T

Per-

30

Perfecte Iustus sis
Observare tibi expedit.

JUSTITIA verò
est Fundamentum virtutum.
imò

VIRTUS MAGISTRA.

Per quam
Ad cæteras exercendas
Facillimam viam invenies.

Per Iustitiam
Eris bonus:

Nam neminem lædes, nec opprimes.

Eris Pius:

Nam reddes D E O, quod D E I est.

Eris Fortis:

Nam nihil te expugnabit à veritate.

Eris Patiens:

Nam ex affectu non judicabis.

Eris Temperans:

Nam nihil appetes, quod non sit tibi
conveniens.

Eris

31

Eris

Modestus, & Humilis:

Nam judicabis de te quid sis.

Paucis Loquar.

V T

Compendium Virtutum voceris,
JUSTUS ESTO.





A D

ADVERBIVM V.

N O N.

*Fortitudinem animi commendat &
ostendit, quām utilis sit & gloria.*

*Non vis cadere,
munias te Animo.*

*Non vis perire,
Armate mente.*

*Et ad omnia, quæ cum animo tuo
luctantur,*

Inexpugnabilem te redde.

*Nullum glorioſius est munimentum
Quām*

mens infracta & inconcussa.

*Nō ferro domabilis; Nō auro vincibilis;
Nō ore flexibilis; Nō metu frangibilis.*

Ad omnia pariter

animus firmandus est,

*Vt à virtutis veritatisq; custodia
non moveatur.*

Thesaurus incomparabilis tibi est

C

Virtus

34

Virtus & Veritas.

Oh !

Quanta erunt adversùs te monstra,
quæ te petent ,
ut te

Ab illa repellant !

Quàm multa terrebunt, ut absterreant !
Quàm multa movebunt, vt amoveant !

Tu autem

Fortis esto

Virtutemq; & Veritatem

Vnicum vitæ tuæ solatium,

Vnicum miseriæ humanæ decus,

Vnicum Divinitatis pignus ,

Ita animo defende :

VT

Non bonis , Non adversis ,

Non auro , Non ferro ,

Non voluptatibus , Non tormentis ,

Non pretio , Non metu ,

ab illa movearis ,

adèò

Vt

35

Vt etiamsi

Fulmina in te petant ,
Maria adversus te insurgant ,
terra contra te pugnet ,
Flammæ diram tibi mortem minentur .

Tu tamen ,
Fortis, & firmus ,
Constans, & immutabilis ,
Tanquam Petra immobilis

In

Colenda tuendaq;
Virtute & Veritate
persistas .

Potent te homines ?
non abeas .

Quærent te munera ?
non cures .

Oppriment te invidiæ ?
non metuas .

Affligen te mala ?
non cedas .

C2

Per-

36

Persequentur te homines?
non moveare.

Cruciabunt te tormenta?
non vacilla.

Virtus namq; Veritas
in manu Dei sunt.

Nec quisquam perire potest, qui ea verè
fideliterq; custodit.

Quia manus Dei est cum eo.

Collabi autem non potest,

Qui à Deo
regitur.

Vide ergo

Quām securum te reddere potest
animi tui fortitudo.

Quām fortem & infractum
Solidæ mentis robur.

Quām audacem omniumq; malorum
Contemptorem,

Animus ipse tuus;

Si verè animus est simplex & purus
omnibusq; passionibus Corporeis

Solu-

37

Solutus & Liber.

Hic

Si talis est,
Tuq; in illo versaris,

Fortis esto,

Nil metue:

Nam

Animi incola es;

Cui non quidpiam nocere
potest,

non illum mors extinguit,

non vulnus afficit,

non invidia verberat,

non flamma adurit,

non Passio torquet,

non persecutio alterat,

Immortalis enim est, nulloq; corporeo malo
corruptibilis:

Quem tibi nemo auferre potest,

Quia æternus est.

C3

In

In hoc ergo
confide,
Fortemq; & infractum te præbe,
vt nihil te abstrahat
à Virtute.

in qua

Omnis vis fortitudoq; inest.
Non ne æstimabilis est Clypeus,
quem missile tellum non penetrat?
Non ne laudabile est propugnaculum,
quod tormentilis globus non sternit?
Non ne deniq; gloriola est Civitas,
Quam hostilis manus non expugnat?

Oh!

Quantò glorioſior est
animus,
Virtutis veritatisq; præſidio
circumſeptus!
Fortis & invincibilis,
Quem
Non illecebræ expugnant,

Non

non metus proſternunt,
non adverſa penetrant
non pretia poſſident.

Fortalitium Virtutum
est,

Arx Gloriæ, & Perfectionis,
Tabernaculū divinæ virtutis,
Totiusq; gratiæ & Summi Boni
Fulcrum & Firmameritum
FOR TITUDO.





A D.

ADVERBIVM VI.

S E D.

Æquanimitas quid sit qualisq; esse debeat docet, & qualiter passiones animi tollerande.

Sed quid dices,

Si te

Continuus aduersorum ordo
Furens fortuna, inimica Paupertas,
Gravis infirmitas, humanum odium

Inevitabilis calamitas

Certaq; mortis vexabit formido?

Fortasse

Planges, mæst⁹ eris, lacrymas absterges,
Suspribis gemendo, solatium petes,
Deplorabis effuso luctu
miseræ sortis immanem conditionem.

Nequaquam. Absit,
ut ea doleas quæ curare non debes.

Cave,

C s

Ne

**Ne ob ea mæraris, quæ contemni
merentur.**

Vide,

**Vt pro ijs non desperes,
In quibus spes tam fragilis est,
tam caduca.**

Sed

**Quomodo non dolebis,
Si omnia temporanea bona,
Omniaq; vitæ tuæ solatia,
Te derelinquent?
Petent vitam inimici,
Falsi testes insurgent,
Iniqui Iudices damnabunt,
Rapietur tibi honor,
Facultates, opes, Pecuniam,
hostis, casus, fur,
auferet,**

**Domum ignis consumet,
Parentes, coniunx, Liberi, Amici,
morientur tibi, imò inimici evadent
Prodent, deserent, oppriment.**

male

**male de te loquentur homines,
odia te petent.**

Omne deniq; malorum genus,

**Vt solùm affligâre
tibi minabitur;**

Quid ages? Quid facies?

Ergo

**Tot malis pressus vexatusq;
Adhuc animum cruciabis?**

**Animum dicam,
Liberum & Innocentem,**

Qui tibi horum reus non est?

**Sumes vindictam de eo,
cùm ab alijs lœsus sis?**

Opprimes consolatorem tuum?

**Custodem tuum series?
medicinam tuam in venenum
transformabis?**

Nequaquam

**Lætare ô mortalis in exercitio tui,
imò**

æmulare cum malis,
Non muta animum,
Idem esto.

Iniquum enim est
ut sacerdenti fortunæ
Inimicæ tuæ, Belluæ tuæ,
Devoratrici honoris, Bonorumq; tuorū
Cùm omnia tibi absumperit,
ad huc illi animum abiicias.
Nil ergo timeas,
Nil doleas,
Cùm æquanimem te esse deceat,
ac in omni Fortuna
Pari animo moderari.
Ea enī in omnia
Quæ tam sollicitè amas,
& ob quæ perdita tantum affligeris,
Nihil sunt.
multò nobiliora maioraq; tibi restant
quæ eripi non possunt.
Petitur vita tua?
Sed

animus

Animus adest immortalis.
Qui nec mori potest, nec perire
Obscurant te contumelijs falsi testes?

Sed
Veritas clarior est Sole:
quā Supremū lumē cognoscit & videt.
Damnant te Iudices iniqui?

Sed
habes ÆTERNUM,
qui te aliter iudicat.
Rapitur tibi honor?
Sed
non perit.

Quid interest?
An in manu tua sit, vel alterius
Semper tuus est, ubiqueq; est.

Pereunt tibi opes,
desunt Facultates?

Sed
Adfunt maiores divitiæ,
Virtus, ars, ingenium.
Prudentia, boniq; mores.

Qui

Qui certiores sunt acquirendarū illarū
modi.

Moriuntur tibi
Parentes, Coniunx, Liberi, Amici?
Sed quid?

Si eò abeunt quò & tu abibis.

Moritur quidem Parenst?
Sed

manet tecum supremus omnium Pater
Æternus & immortalis.

Moritur Vxor?
Sed

Vivit virtus melior *vite sociali*
quam omnes aliæ mortales.

Moriuntur Liberi?
Sed restant

Bona piaq; Opera
nobiliores animi tui Partus.

Quia æterni sunt, & tecum mansuri.
Malè de te loquuntur homines?
Sed

Tutacendo peius de illis,

Si

Si rectè agendo mendaces illos
ostendis.

Habes ergo omnia,
Quæ tibi æquam in adversis mentem
suadere possunt.

Æquanimis autem es
Cùm omnia, quæ amas, propter virtutē,
contemnis.

Nullaq; te cruciant
nisi

Quæ virtuti sunt inimica.
Ea verò

Quæ vana sunt ac per se peritura
Sponte melius libensq;
Projice.

NAM
Omnia tibi omnes auferre possunt
Sed

Virtutem nemo.





AD

49 ADVERBIVM VII. C U M.

*Temperantiam suadet, qualiterq; in de-
siderijs & passionibus regere se homo de-
beat, docet.*

Cum alijs imperare cupias,
cave!

Ne primus sis, qui tibi obedias.
Cum alijs subesse nolis,

stude!

Vt tibi totus subsis.

Cum alios domare præsumis,
cura!

Vt prius tibi Froena imponas.

Cum pugnare desideras,
constringe te prius!

vt tecum pugnes.

Cum deniq; victor esse ambias,
Enitere!

Vt prius, DE TE, triumphes.

D

Nullum

**Nullum fortius est , quām quod secum fit
Prālium .**

**Nulla gloriōsor ,
Quām de se ipso Victoria :**

Vide ,

**Cum quanto studio inimicos quāris ;
Vt de ijs vlciscaris.**

**Cum quanto labore acies componis ,
firmas , ordinās ,
Vt inimicum confundas .**

**Cum quanto sumptu armia conquiris ;
ut infenſo hosti**

**Robustum pectus opponas .
Sed ad quid hæc ?
aut**

**Cui bono , tot armamentaria Vanitatis ,
tot gladij inanes ?**

aut

**Tot variis ictibus grāvidi Clypei ?
Si**

**Inimicum dum extra debellas ,
Intus latet gravior ,**

&

**& non vides !
Foris Cyclops es , intus Pygmæus .
In campo præliaris , & domi
hostem habes :**

Quem oppugnare non audes :

**Opprimunt Te graves ,
Imò infensissimi inimici ;**

**Præceps ira , mordax odium
Pungens amor , veneñata Invidia ;
quibus tu**

**Distractus , ac Dilaceratus ,
& quasi in Te divisus ,**

**Non priū tecum bellum incipis ,
Quām cedis :**

**Ipse tu à te ipso victus ,
Spolium tui ,
imò**

**Captiv⁹ , & infame mancipiū ,
in triumpho duceris .**

Oh !

*Turpe & indecorum bellum,
non pugnare & vinci!*

*Quomodo alios, qui tui non sunt,
Tuis legibus subdere præsumis;*

*Si tu ipse,
Qui tui iuris esse deberes,
tui non es?*

Cogita Ergo.

*Quod Bellum eligendum tibi sit
& quæ victoria quærenda?*

*Tecum tibi res agitur, nō cū quopiam;
Nullus ad versior restat hostis,
Quam Tu tibi.*

*Tecum imprimis præliandum tibi est,
Victoriam cura.*

*Affectus tuos,
Qui te cruciant, qui te ligant,
In te vince.*

*Animum tuum arma,
Vt illum*

Nullæ

Nullæ internæ penetrent passiones:

Virtutes in acie constitue,

Vt contra illas pugnant:

Et sic gloriosior quam mille hostium

Victor Eris.

*Cum ira te vexat,
Voca prudentiam, & vinces illâ
furorem.*

*Cum odium te persequitur,
Vtere charitatem;*

Et flectes illâ crudelem animum.

*Cum deniq; Invidia te adurit,
Adhibe Generositatem;*

*& crede alios ijs gaudere bonis,
Quæ tu prius contempñisti.*

Sicq; iam

*. Domitâ irâ, Victo odio,
Frænato amore, Conculcatâ invidiâ*

Tecum

Pacem stabilito.

Proijce laurum, sume olivam;

D 3

illaq;

54

illaq; vera tranquilitate
lætare,

Quæ cum vitijs & affectibus
Nullo lætatur consortio.

Tunc primum
Victoris eris;

Tunc

Dominus tui ;

Tunc

Pacificus animi, mentisq;
Possessor :

Cum

Positis de te Trophaeis,
Inviectus tibi & integer
videberis.

Tum demum

Restitutor Tui ipse
vocaberis;

imò

R e x,

Trium-

55

Triumphator Gloriosus,

Veræq; Pacis.

& Fœlicitatis

Civis & Incola.





A D

ADVERBIVM VIII.

INTER.

Prudentia quid sit, et in qua consistat, docet.

Inter Humana
versantib; i;
Mortali, Peregrino,
Cœca & anceps proponitur via,
Misero Viatori, terreno
Hospiti,
Dubio & inexperto, infœlici,
& cœco.

Tam obscurum & fallax,
quis monstrabit iter?
Inter plana & ardua eundum tibi erit,
Quis sponsor?
Quod

Inter tot infinitas diuersasq; semitas
Perges securus,
aut ignarus non errabis,

Inter

57

Inter tenebras,
 Obscurumq; vitæ chaos,
 Pergendum tibi erit.
 Inter spinas, & aculeos,
 Inter Saxa , & ignes ,
 Inter abrupta, & aspera,
 Inter cœca, & præcipitia ,
 Inter infinitas animi tui insidias,
 Periculose transeundum,
 Opponentur tibi aspera,
 Quæ te à gloriæ virtutisq; via arcebunt,
 Adumbrabunt nemora invidiæ ,
 Vmbrosi q; perversi consiliij frutices ,
 Qui tibi virtutis semitas intercludent :
 Invitabunt Blanda Voluptatibus prata,
 Quæ ad mare vitiorū facilem & amœ-
 nam viam ostendent,
 Allicient Crystallinæ vanitatis glacies ,
 Quæ plani , sed lubrici decursus ,
 Speciem præferent ;
 Avocabunt excelsi ambitionis montes ,
 Fulmini & Casui Sacri ,

Qui

58

Qui
 Exponent, Corruent, & conquaſſabunt.
 In quolibet verò
 Tam dubij & periculosi itineris
 paſſu ,
 Multa occurſent, quæ placebunt.
 Plura, quæ abſterrebunt,
 infinita ,
 quæ Præcipitatunt .
 Sed Oh ! quām Paucā & vix ulla ,
 quæ verum certumq; ad glorioſam vir-
 tutem iter docebunt , & monstrabunt !
 Inter hæc igitur
 Tam cœca , & dubia , tam fallacia , &
 lubrica , tam incerta , & abscondita ,
 ne ignarus erres ,
 aut
 Inexpertus pereas ,
 Pro lumine tibi sit
 P R U D E N T I A .

illa verò

beata

beata, puraq;.
ab omni fallacitatis & deceptionis fuso
soluta, & purgata.

Illa sola,
Virtutum ministra,
Lydius lapis, boni & mali,
Princeps & Magistra vitæ
Humanæ.

Sine qua,
tanquam sine lumine,
nec possumus quidpiam cognoscere,
nec quidpiam eligere,
nec quidpiam discernere,
nec quidpiam resolvere,
nec quidpiam cavere.

Hæc tibi inter omnia
Dux, comes, custos præsidiumq; erit:
imò

Angelica & tutelaris virtus;
quæ tibi in tam fallaci ac dubio
vitæ cursu,

veram

veram, & infallibilem
Virtutis gloriaq;
Semitam, & normam, ostendet.

Illa verò
Certa & pura Prudentia est,
Quæ versatur, ut dictum est.

Inter.

Cognoscendum, eligendum,
discernendum, resolvendum,
& cavendum.

Imprimis ergo

Cognoscenda est,
Propria conditio, Latens defectus,
occasio exercendæ virtutis, cuiusq;
rei tempus.

Exemplum præteriti
Possibilitas præsentis, necessitas futuri,
Aliena Veritas, & sua fragilitas.

Eligenda est,

Virtus ante omnia,
utile post omnia,

Gratia

Gratia sine interesse,
amicitia sine fuso,
Honor sine vanitate,
fortuna sine periculo.

Discernendum est,
Inter Virtutem & vitium,
Veritatem & mendacium,
Vanitatem & gloriam,
Amicitiam & adulationem,
Iniuriam & negligentiam,
Malitiam & impotentiam,
Beneficium & necessitatem,

Resolvendum est,
Id quod est rectum, quod est iustum;
Quod est laudabile,
Quod est à bonis visitatum,
Quod est diu recollectum,
Quod rectior svadet,
Quod opinio non decepit,
Quod pertinacia per vim non expellit,
Quod tempus permittit, quod potest fieri, & quod aliter fieri non potest.

Caven-

Cavendum deniq; est,
Ab occasione ad vitium, à judicio
temerario,
Ab affectibus intemperatis,
Ab homine mēdaci, ab omni simulati,
À proprij oris Laude,
A commercio perversorum,
Ab ambitione non secura,
ab otio inani, à petitione importuna,
à medijs violentis, à suspicione temera-
ria, & à nimia fortuna,

In his ergo.

Potissimum consistit, vera & nō fucata

P R U D E N T I A.

Quæ docet, vno verbo,
Eligere inter bonum & malum,
Cognoscere inter se & alios,
Discernere inter vera
& fucata,
Resolvere inter tuta
& pèriculosa,

Cave-

Cavere inter insidias
& fortunas.

Quæ omnia

Propter cognoscendam, eligendam,
discernendam, resolvendam,

Virtutem,

Cavendumq; vitium,
forti animo exerceantur :

eo modo ;

ut quidquid à nobis
agitur ,

Prudentia vocetur.

Hæc enim sola,

Lux est animi ,
Clavis Virtutum ,

Pons securus super vitia ,
Magistra & moderatrix vitæ
humanæ .

Ut

Sicut inter vitia

Cœca

Cœca temeritas est quædam
Tenebrosa Abyssus ,

Ita

Inter Virtutes

Præclarum & incomparabile lumen ,

est

P R U D E N T I A .



E



A D.

ADVERBIVM IX.

S. I.

Commendat clementiam, iram & vindictam condemnat.

Si scires,

Quàm inhumanum sit irasci,
nec sentires, nec faceres

Iniurias.

Si videres,

Quàm immane sit vlcisci,
nec redderes, nec reciperes

Vindictas.

Si cognosceres,

quàm indignum sit damnare,
nec iuberis, nec timeres

mori.

At verò,

Si crederes,

Quàm pium Humanumq; sit,
non commoveri iniurijs,

E 2

&

& haberēs, & donares
quietem.

Si perspiceres,
Quām magnātūm sit parcere,
& faceres, & acciperes
gratias.

Si considerares
Quām gloriōsuī sit salvare,
& alijs dares, & tibi augeres
vitam.

Nihil magis infælix servileq;
Quām orta ex passione severitas.

Nihil aq; felicius Regiumq;
quām fundata in ratione Clementia &

Regina hæc,
illa serva est.

Lumen hæc,
illa cœcitas.

Gratiarum hæc,
illa furiarum

Filia.

Hæc

Hæc divinæ bonitatis,
illa infernalis malitiæ
Speculum, & Imago.

Si ira adest,
Quies cedit, furor sequitur.
si clementia accedit,
Pax florescit, concordia colligitur.

Si vindicta struitur,
Offensa crescit, odium acceditur.
Si venia superat,

Amor candescit, ira extinguitur.
Si supplicium paratur

Inimicus gaudet, proximus moritur.
Si clementia absolvit,

Hostis perit, amicus nascitur.

Vide Ergo,
quām foedæ & ignominiosæ sunt res,
Ira, Vindicta, Supplicium.

& è contra
quām pulchræ & gloriösæ virtutes,

E 3

Beni-

**Benignitas, Venia,
Clementia.**

Sed tu,

qui longè ab illis distas,
amarâq; irâ, exacerbatum pectus
tali virtutum dulcore non demulces,
nihil differs
à feris brutisq;:
nisi quod illis peius,
quia deliberatius, noces.

imò

Sæpè tibi magis, quam alijs,
candet immane Cor,
Scintillant flammei Oculi,
nunc pallent, nunc rubent gravidæ
veneno Genæ,
Pungit os, Ferit manus;
misera belluinx iræ instru-
menta,
ad arbitrium impetus fatigantur.
totumq;

totumq; infelix corpus
voluntariâ flammâ consumitur.

Hæcine est victoria,
Quam de adversario tuo obtinere
præsumis?

Hæc ne consolatio,
Quam in recompensam iniuriæ tibi
factæ proponis?

O miserum & infelix
Solatium!

Nondum felicem te arbitraris,
si prius de offensore non vlciscaris?
Non putas potentem te esse

Si inferiori non sis gravis?
non credis te posse fieri victorem,
si prius de alio non sumas poenas?

si non sanguinem spargas?

si crux non foederis?

Si stricatum gladium crudeli manu
non evagines?

O

Quām graviter falleris !

quām iniustē gloriaris !

quām indignē triumphas !

Si in ijs laudem gloriamq; tuam statuis,

quæ immanes belluæ venenatiq;

Scorpiones , imò viles

muscæ & minutæ

pullices

Exequuntur !

In eo verò , quod summo

conveniens est Deo,

Ignominiam tuam arbitraris !

An nescis

Deum per beneficia cognosci ?

Vnde & tu

Si Deum imitari

dignum ducis ,

Inimicis condona :

imò

Beneficijs vince.

Nun-

Nunquam gratior D E O es;

Quām

S I P A R C I S .





AD

⁷⁵ ADVERBIVM X.

D E.

Modestiam extollit, Superbiā de-
primit, & vituperat.

De honore hīc agitur :
Qui tibi, vt opinor, tam pretiosus est.

De quo

Suffulto gaudes, perduto doles,
acquisito gloriaris.

De quo

tanta à te spargis, ab amicis prætendis,
ab inimicis exigis.

De quo deniq;

tam multa speras, plura narras,
plurima fabularis.

De hoc dico, hīc agitur,
tam caro, tam sollicito , tam pretiolo.

Zelosa est materia :

De qua
tantūm tibi interest.

Vis

Vis ne scire quid sit?
dicam.

Ecce honor tibi moritur, & taces.
Sed quid dico?
imò

Propterea expirat, quia nimium
loqueris,
tuo à te veneno decedit.

tu ipse arbiter illius es.
tu dominus, tu quoq; homicida.

Arbiter,
quando in illo moderaris.

Dominus,
quando ille tui, non tu illius servus es.

Homicida,
quando superbia tua occiditur.

Cognosce ergo.
quà morte honor tuus moriatur,
quàq; vitâ perennare debeat.
disce.

Superbia

mors

mors est honoris.
Conservatio & remedium,
est

Modestia,

ILLA extollit, vt præcipitet;
HÆC humiliat, vt exaltet.

ILLA loquitur, vt confundatur;
HÆC silet, vt commendetur.
ILLA ostentat, vt contemnatur;
HÆC latet, vt perquiratur,

Superbia

Est vitium tumens, Filia stultitiae,
Mater Infamiae.

Modestia

Est Virtus decora, Filia Prudentiae,
Mater Honoris.

Superbia

est umbra nullitatis, Cyphra vanitatis,
mons præcipitij, Abyssus perditionis.

Modestia

cfr

est Lumen perfectionis,
Numerus gloriæ,
Vallis securitatis,
Porta salvationis.

Elige ergo.

Vbi tutius Honor tuus degat,
& conclude,
Quod domicilium illi constituas,
Falleris, crede mihi,
Si

Superbiam nominis tui præsidium
arbitraris.

HOSTIS est, qui te famâ spoliat,
FVR est, qui tibi nomen aufert,
TUMULUS qui tuam laudem sepelit.
Laus verò dupliciter oritur.
vel

de re, vel de ore.

Si de re?

En plus acta loquuntur.

Si de ore?

En tot oriū documenta, quot hominū,
Satis est,

tu agé, non loquere.

Ubi Virtus, ibi Gloria.

Quicquid de te, pro-venit à te,
non habet fidem.

Nemo mendacior de quopiam est,
quam Superbus de se.

Vtiq;

Nihil donare tibi ipsi potes.

Oportet ut ab alijs habeas, quod donum
voces.

Pulcherrimum autem munus
ac pretiosissimum tibi est, Honor.


Ergo illum

Non à te, sed ab alijs
Expecta.

Tace ergo, ac disce:
Alios, non te honora.

&

Cum minimum de te credideris
MAXIMUS ERIS.





A D

ADVERBIVM XI.

PROPTER.

Liberalitatem laudat, beneficium distinguit, ingratitudinem damnat.

Propter Egenos,
non

Propter ingratos,
Liberalitas nomen habet.

Nobilissima Virtus.

Generosi animi, consors pulcherrima,

Hortus Publici solatij,
Speculumq; cœlesti munificentiâ fulgens, & radios
gratiarum

In inferiora repercutiens.

libera VIRTUS,
liberisq; animis Digna;
& ex eo liberalitas dicta.

menp

F

Quia

Quia

Non coacta , nec servilis ,
nec interessata , nec attrita.

Sed

ex se dependens , & libera ,
Liberè alit , quos vult ,
fovet , nutrit , & foelicitat .

Humanamq; fortunam

Plenâ virtutis beneficentiâ secundat ,
Nil eâ dignius animus noster habet ,
quo in subiecta sibi vtatur.

Vere aurea est Virtus ,
Foelicitatis communis
gemma incomparabilis ,
Thesaurusq; beneficus

Virtuti sacer ,
Orbi fœlix , Cœlo gratus
Recipienti memorabilis ,
Dispensanti gloriosus .

Quisquis ergo es

quem

quem supra Voluntas
Propter opulentioris fortunæ abun-
dantiam
in exercitium Liberalitatis elegit .

Scito

Thesaurarium te esse cœli ,
& in ijs ,

Quibus gaudes divitijs ,
Alios tecum partem habere .
Alios autem dico ,

non omnes :

Quia tantum liberalitate dignos ,
Cœlestiumq; gratiarum communica-
tionem nullo abusu excipientes .

Opes divitiæq; , quas habes ,

Virtuti

Sacræ esse debent .

Vnde

non nisi ex virtute ,
aut propter virtutem ,
distribuendæ .

*Nec gemma ante porcos, nec beneficia
ante indignos projicienda.*

ijs tantum, quos inimica virtuti egestas
gravi necessitate oppressos premit,
& afficit,

Effusè subveniendum est
miseris, egenis.

Inter virtutem & fortunam calamitos.
luctantibus,

gratis, generosis, modestis:

Quos

aut fortuna spoliavit,
aut invidia conculcavit,
aut saltim debilis nascendi sors,
ab innata pauperie non vindicavit.

Non vero ijs;

quos

infatiabilis Avaritia
vitioso opum anhelitu infectos,
turpiter seruiliterq; ligat, & incatenat.
indigne non sunt ejciendæ opes:
superbis irreplebilis.

inter

inter miseriam & malignitatem
degentibus,
ingratis, servilibus, inhumanis.

Quos,

aut impotentia à vitio retinuit,
aut scelus altius enexit,
aut sufficiens nascendi facultas
vitijs non virtuti
commendavit.

HIS OMNIBUS

Liberalitas non valet.

Pestes sunt, & venena,
Sterquilinia, & immundæ fæces;
Quibus ad Thesaurum Liberalitatis,
Soli virtuti Sacratum,
nullus pateat accessus.

Vides,

ut

S O L

aureum Cœli Sydus,
thesaurus lucis,

F 3

bene-

beneficus orbis Planeta
& communis viventium Benefactor.

Cuncta

Liberali sœcundoq; luminis sui radio,
sovet, & illuminat,

Et tamen

Non penetrat ingratas terræ latebras,
Nec illuminat voraces ventorum indi-
gnasq; cœlo cavernas,
Non clarescant beneficij,
qui illa ingratitudine adumbrant.

Disce igitur,

Quem assignes liberalitati gradum,

Tam pretiosa Virtus ,

Non nisi propter dignos locum habet.

Quam

Vt & tu digne exercere
memineris ,

Cornucopias divitiarum tuarum
In publicum effusas ,

Pro

Pro symbolo tibi depinge.


adde lemma

NECESSITATI

&

VIRTUTI.





A D-

ADVERBIVM XII.

SEMPER.

Quid sit constantia ostendit, et quomodo
à pertinacia differat.

Semper placeat bonum, quod semel placuit.
Semper displiceat malum, quod semel
displicuit.

Semper laudet os, quod laudandum semel
laudavit.

Semper damnet lingua, quod damnatum
semel condemnavit.

Semper perficiat animus, quod operandum
semel proposuit.

Semper respiciat mens, quod fugiendum
semel deseruit.

Virile est

Idem semper velle, idemque nolle:
et quod Virtuti socium est, pro leuitate
non mutare.

Fulcrum Roburque; Virtus est

F 5

CON-

C O N S T A N T I A.
Excella moles est Virtus,
Corruet non suffulta.

Persistere oportet ut virtus sit perfecta.

*Nunquam gloriosior crescit, quam dum
perficitur.*

*Nunquam citius perit, quam cum
deseritur.*

Inter
Hominem & actionem,
Virtus vertitur.

*Homo perficit opus, hominem virtus,
Virtutem Constantia.*

Sed
quot quantiq; sunt illi,
Quos aura movet, ventus agitat,
Fatuusq; levissimæ fortunæ ignis
Huc & illuc
propellit!
O!

Quanti viles & Infelices.

Cha-

*Chamaeontes auræ,
Arundines infirmæ.
Rotæ ventosæ, mobiliaq; perpetua
Vanitatis!*

Quos
Semper
inconstantes

aut Favor popularis immutat,
aut assentatrix opinio hebetat,
aut volubilis Fortuna circumvolvit,
aut variabilis pro affectu voluntas,
perpetuò movet,
agitatq;.

Ipsi sunt Ludibria sibi;
Fumi, Plumæ, umbræ volatiles, aleæ
projectiles, pro arbitrio levissimæ vo-
luntatis fortunæ, non integri,
sed semihomines,
Miseri, viles, indigniq; nomine
virorum.

Tam turpia
dedecoraq; V I R O vocabula,

ne

Inconstans mereâre ,

Constantiam

in nominis gloriæq; tuæ basim

Tibi propone.

Illam verò simplicem,

Nec ullo pertinaciæ errore adumbratā

Constantiam .

Virtutis Fulcrum ,

non vitij .

Semper

Firmam, stabilem, perpetuam, immu-

nabilem, virilisq; & digni virtute

animi

robur, & gloriam.

Cuius

ut perfectus gloriosusq; cultor evadas,

Disce

idem SEMPER esse.

Nihil enim turpius est viro, quam in
horas mutari.

Con-

Constantiam vero :

Semper his,

maxime in his :

Debeto.

D E O

P R O X I M O

V E R B O

T I B I

in Fide & amore ,

in prosperis & adversis ,

in dictis & promissis ,

in operibus & volūtate .

In his ergo .

Constantiam
tuam

Proba. Serva. Exerce.

Vno verbo ,

Vt Perfectus vir voceris ;
Nihil unquam malum perti-
naciter defende ;

Omne semper bonum Con-
stanter tueâre.





A D-

95
ADVERBIVM XIII.

ADHVC.
Patientiam malorum remedium esse, vir-
tutumq; non postremam ostendit.

Adhuc
Tibi restat
P A T I E N T I A.

Egregia virtutum tuarum
Epilogus,

Soror animi invicibilis,
Filia Fortitudinis,

&
Constantioris gloriae, Fortunaeq; tuæ.
Mater certissima

H A N C
In complementum Perfectionis tuæ
tibi adscilce.

Disce Pati
Et temnere ad-versa virtus est,
tolerare.

Circa

Hæc

Quàm dura malorum catena

Crudelissime te stringit?

Graues tibi sunt compedes

Fortunæ?

Adhuc

Graviores erunt,

Si Patientia non alleviat.

Immanes sentis Humanæ odij flamas?

Adhuc

Immaniores senties

Si illas Patientiâ non extingues.

Crudeles tibi videntur persecutions

Infensorum?

Adhuc

Crueliores apparebunt;

Si illas Patientiâ non repelles.

Hæc sola est;

Quam Æternum Numen

Pro Sigillo gloriæ & perfectionis Cœlestis sibi proposuit:

Quasi

Demptum quidpiam virtuti suæ ratus,
nisi Pateretur.

Divina Virtus est:

Quia

nimirum hominibus ardua,

èoq; cœlestis gratiæ plenior;

Quò humanæ imbecillitati ad exe-

quendum

difficilior.

idecirco

Nihil utilius homini est

quam Patientia

Quia

Nihil sæpius

Quàm afflictio & angustia.

Nonné vides,

Quàm

OMNIA HÆC

Fortitudinem tuam probant.
Afficiunt, ut explorent.
Explorant, an impriment?
Tangunt, an movebunt?
Pulsant, an penetrabunt?
Percutient, an prostrerent?

Tu vero
murus esto.

Nec probanti mollescas,
Nec tangentи moveâre,
Nec pulsanti cedas,
Nec percutienti succumbas.
Quæ vim non impriment in te,
resilient à te.

Cedent Adversa.

&,

Faventiori Fortunæ domicilium
relinquent.

*Tranquillior redibit
Post Patientiam Fortuna.*

Ac

Ac

Quod iniuria evertere non potuit;
Fœlicitas perficiet.
Patere ergo
Nec adversis responde.
Indignum enim est ut cum Fortuna
vociferes;

Qui cum virtute loqui elegisti,
Illi, Silentium,
Huic, Exercitum,
Debetō.

Ut
Illam contemnas,
Patientiam elige.

Ut
Illam non sentias,
Huic consentias.

Ut
Illam superes,
Huic obtemperes.

G2

Sicq;

Sicq; inter Virtutes
Patientiâ Coronatus
 Victor & Triumphator Malorum,
 VIRTUTES,
 Fœlix perficies.
 THESAURUM q;
 Perfectionis & Gloriæ
 Hâc vltimâ Virtute
 CLAUSES.
 Quæ est
 Scala Gloriæ,
 Clypeus Adversitatis,
 Clades Inimicorum,
 Victoria malorum,
 Et
 Quod Pulcherrimum
 Adhuc restat

Sigil.

**Sigillum Virtutum & Perfe-
 ctionis Humanæ,
 E S T
 PATIENTIA.**





A D.

ADVERBIVM XIV.

E X.

*Fortunam cum virtute comparat, eiusq;
fallaciam ostendit, docetq; quām parūm
illi fidere debeamus.*

E X

Templo Virtutum
Ad Fortunæ Palatium
Accedamus.

Ex arduo & spinoso domicilio,
ad facilem deliciosumq; Theatrum.
Gratum oculis, amænum cordi,
Patens accessui,
Amplum, & Maiestuosum,
Auro gemmisq; fulgidum
Sublimi Throno decorum,
Pretiosis opibus circumdataum,
Coronis, Scepbris purpurisq; stratum,
Ad cuius allicit aditum,
Speciosum Lemma :

G 4

SEM-

S E M P E R

&

O M N I B U S .

Ad cuius invitat accessum,

aurea S P E S ,

Floridâ suffulta Anchorâ.

Ad cuius stimulat ingressum ,

Aurea opum & ambitiosa honorum
cupido.

Quid agendum ?

Aditus patet , Regia vocat ,

Opes invitant , Spes arridet ,

Thronus placet , cupido trahit .

Intrandum ne ? an expe~~ct~~andum ?

Tam facilem & amplam viam

Quis impediet ?

Tam apertum liberumq; ostium

Quis occludet ?

Tam proficuum & honorabilem
ingressum

Quis dissuadebit ?

Pru-

Prudentia :

Speculum Virtutis

Quod manu gerit , tibi opponet .

In quo

Puris nec infascinatis oculis ,

Longè diversa ab his , quæ vidisti ,
discernes .

Conspicies

Opacam & Horridam molem ,

Magis angusto carceri

Quam augusto Palatio

comparandam .

In qua

Obcæcata insanæ Plebis caterva ,

Plena ambitione Cupidinis impetu

rabiosa ,

Vorat fordæ pro opibus ,

Scandit glacies pro Throno ,

Rapit spinas pro Scepbris ,

Legit compedes pro Coronis .

& dum

His tam falsis & deceptorijs solatijs
gaudens
Immanem Benefactricem suam,
Sagam, & incantatricem,
Nullius Dominam, omnium
Tyrannam,
Servam, non Reginam,
Belluam, non Fœminam,
Furiam, non Gratiam,
Servili genu adorat.
Illa irridens calcat miseros
servientes,
Sordibusq; , non opibus,
Spinis, non Sceptris,
Compedibus , non Coronis
onustos,
Cruciat & perimit.
Hunc proijcit de Throno,
Illum Sceptro verberat,
Hunc Spinâ coronat,
Illum opibus suffocat,

Hunc

Hunc invidiae ungue dilacerat ,
Illum aureâ strangulat catenâ.

Hæcciné est
Fortunatorum Maiestas ?
Hæcne fœlicium voluptas ?
Scandunt Thronos, ut jaceant;
Stringunt Sceptra , ut gemant;
Induunt purpuras , ut deponant;
Sumunt coronas, ut pereant ;
Portant opes, ut succumbant.
O misera solatia !
O fallaces Spes !

O vilem brevemq; Fortunam !
Vix trahit, & tradit !
Vix afficit, & deficit !
Vix proficit, & proijcit !
Vix exponit, en deponit !
Vix concedit , en recedit !

Inconstans inconstans Animi Sidus est

F O R T V N A.

Stella

108

Stella naufragij,
Scopulus sperantium,
Scylla credentium,
Laqueus cupientium,
Navis perversorum,
Flagellum bonorum,
Vorago divitum,
Glacies inopum,
Scala peccantium,
Fulmen ambientium,
Fidelis scelerum ministra,
Rebellis virtuti serva.

Cœca, Fallax, mendax, prava,
præceps, lubrica, infida, de-
ceptrix, virtutis veri-
tatisq; inimica.

Quot

Ex Tyrannis Reges fecit?
Ex Regibus servos?
Ex perversis dominos?

Ex

109

Ex Dominis infimos?
Ex indignis divites?
Ex divitibus inopes?

Quoties

Scelera evexit?
Virtutes depresso?
Malignos adiuvit?
Benignos deseruit?
Superbos honoravit?
Modestos conculcavit?
Iustos condemnavit?
Iniquos exaltavit?
Avaros donavit?
Generosos spoliavit?
Ignavos Triumphis decoravit?
Strenuos clade affecit?
Stultos purpurā ornavit?
Philosophos mendicare cōégit?
O crudelis Fortuna bonis!
Quam iniqua viris præmia distribuis!


Hinc

Hinc mortalis disce
 Fidere cui debeas.
 Fallax est & lubrica
 Nulli certa, singulis diversa, omni-
 bus periculosa:
 Ludentem fuge,
 Ridentem temne,
 Magnam frœna,
 Parvam tene,
 Longam respice,
 Brevem non dole,
 Securam ne crede,
 Periculosam non quære,
 Velocem time,
 Tardam non expecta,
 Adversam tolera,
 Nimiam cave,
 Tuam cognosce,
 Alienam non invide.

Melius

Melius enim tibi est humile
 Cum virtute Tugurium
 Quam sublime
 Cum Fortuna
 P A L A T I V M.





A D-

ADVERBIVM XV.

E C C E.

Honorum vanitatem ostendit, miseriaſq;
magnorum, qui à virtute receſſerunt; & in
qua verus honor conſilat, docet.

Ecce ſublimis & maiestofa moles,
Fallax & intolerabile bonum,
Illiſtris ſervitus,
Pompofa Ruina,
Ecce honos.

Quem vanæ mortalium turbæ,
quærunt, cupiunt, ambiunt.

Hic eſt.

Quem fœcunda Virtutis,
puraq; Sceleris
Ætas contempsit primæva.

Ille eſt.

Iam verò mortalium honores
quid ſunt?
niſi umbra.
Quid dignitas?

H

Niſi

Nisi adæquatum præmium vanæ Spei
humanæ,
Palliata miseria;
Fomes Superbiæ,
Vanitatis Speculum;
Scala periculorum,
Aura ambitiosi Spiritus,
Miseria invidiæ, odiorumq; vicinia;
Deaurata, malorum ac servitutis
Catenæ.

Quot honores tot onera.
Quot dignitates, tot ludicra Fortunæ:
Quot Throni vel fastigia.
tot mærores tot fastidia.
tot curarum semina.
tot fulminum obiecta.
tot Fatorum Semitæ.

**Quisquam né honoris satius
unquam fuit?**
Vastum est hoc, & impenetrabile
Æquor;

Scopulis naufragioq; subiectum.
Quibus adsunt purpuræ ijs non desunt
curæ.

Quos honorant nomina,
eos anxia mens cruciat:
Quos cingit corona,
illos premit in-vidia.

Simulq; sunt ista

Odium & Regnum.

Quot Cæsares, Reges, Principes,
Tot sunt Ludibria Sortis.

Nemo fuit

Qui vera summi boni Cognitione,
vel faltem,

Fœlici beatæ vitæ Cursu,
vel, quod minimum.

Secura mentis quiete gauderet.
Bella, discordiæ, cædes, rapinæ,
Fraudes, acconita, violataq; jura.
Hæc plerumq; sunt vani Solatia
Regni.

Revoca Romanum, Orientisq;

Imperium:

Revolues

Plures ferri, quam Sceptri Dominos,
 Plus cædis, quam annorum, colliges;
 Plures dolos, quam coronas numerabis.

Videbis

Terrores illos orbis,
 nunc

Vanæ famæ umbræq; Nomina,
 Miserâ clade, cædibusq; dispersa
 ac deleta.

Magnos olim Cæsares

JVLIVM, crudeliter confossum.
 AVGVSTVM, veneno extinctum.
 TIBERIVM, pari morte enectum.
 GERMANICVM, clandestinè cæsum;
 CLAVDIVM, toxico sublatum.
 NERONEM, à semetiplo occisum.
 GALBAM, ex insidijs trucidatum.
 OTHONEM, suâmet manu sublatum.
 VITELLIVM, horrendâ morte deletū.
 DOMITIANVM, clam intersectum.

ÆLIVM

ÆLIVM AVRELIVM, laqueo
 strangulatum.

HEL: PERTINACEM, miserabili
 modo occisum.

PESCENNIVM, pariter trucidatum.
 CLODIVM, à Severo miserè cæsum.
 ANTONINVM, quoq; violentâ mor-
 te sublatum.

SEPTIMIVM, insidiosè à fratre
 occisum.

MACRINVM, miserè vitâ privatum.
 HELIOCABALVM, dedecorosè
 necatum.

ALEXANDRVM, immerito in-
 teremptum.

MAXIMINVM, gladio intersectum.

CORDIANVM, laqueo extinctum.

BALBINVM, ignominiosè trucidatū.

PHILIPPVM, Fidei Causâ pariter
 occisum.

HERENNIUM, hostili gladio per-
 cussum.

TREBONIANVM, VIBIUM, ÆMILIANVM, variâ morte sublatos.
 AVRELIVM, in servitute mortuum.
 GALLIENVM, à triginta sex Tyrannis crudeliter interemptum.
 SALONINVM VALERIANVM, vñacum Patre miserè interfecitum.
 CASSIVM, Posthumum tyrannicè confossum.
 QUINTILIJM, à seipso peremptum.
 AURELIANUM, Facitum, à militibus occisos.
 PERPETIJM PROBUM, indignè strangulatum.
 CARUM, sævâ morte absumptum.
 NUMERIANUM, crudeliter peremptum.
 CARINUM, gladio concisum.
 DIOCLETIANUM, à se morte affectum.
 MAXIMIANUM, suspendio sublatum.
 GALERIJM, crudelissimè laceratum.
 MAXENTIJM, in Tyberi submersum.
 LICINIUM, miserè pereuntem.

CON-

CONSTANTINUM, veneno extinctum.
 CONSTANTEM, itidem occisum.
 DECENTIJM, à se strangulatum.
 IULIANUM, in deserto confossum.
 JOVINIANUM, milerè à sumo suffocatum.
 VALENTEM, ab hostibus exultum.
 GRATIANUM, à MAXIMO interfecitum.
 HONORIJM, post devastationem Urbis mortuum.
 VALENTINIANUM, gladio transfixum.
 MARTIANUM, à tumultuariis occisum.
 ANASTASIVM, fulmine iactum.
 MAVRITIJM, capite truncatum.
 PHOCAM, imani crudelitate laniatū.
 DIVVM HERACLIVM, à Mahomete expulsum.
 HERACLIVM filium abscissis nari-
 bus in exilium missum.
 CONSTANTE M, Palatio præcipi-
 pitatum.
 IVSTINIANVM, interfecitum.
 LEONTIVM, truncatis manibus in
 carcere excarnificatum.

74

- TIBERIVM II.* ignominiosè occisum.
PHILIPPICVM, fame enectum.
ANASTASIVM II. ex Imperio ad
 ad monachismum detrusum.
CONSTANTINVM, excæcatum, &
 in perpetuos carceres missum.
HLOTARCVM, in monasterio
 mortuum.
ARNOLPHVM, morbo pediculari
 miserè absumptum.
OTHONEM III. veneno sublatum.
HENRICVM, mærore animi con-
 sumptum.
FRIDERICVM, miserè submersum.
PHILIPPVM III. ignominiosè tru-
 cidatum.
FRIDERICVM II. ex insidijs Filij
 sublatum.
ADOLPHVM, in civili bello occisū.
ALBERTVM, sceleratâ manu per-
 emptum.
HENRICVM VII. in venenata Eu-
 charistiæ

charistiæ Hostia sine exemplo sublatū.
FRIDERICVM III. Imperio privatū.
 Ac deinde *CAROLVM V.*
 pietate, victorijs, memoriâ illustrem,
 post consideratas vivendi regnandiq;
 ærumnas, traditâ Filio Regni curâ.
 Omni vanitate exutum & privatâ con-
 tentum vitâ.

In hac
 Cæsarum, an cæsorum
 Serie,
 In hac
 Imperantium an pereuntiū
 Catalogo

Quàm lubrica sit Honoris via,
 Quàm grave Sceptri pondus,
 Quàm vanum Coronæ pretium,
 tecum cogita.

Quisquamne Regno gaudet?
Ofallax bonum!

Hs.

Est

Eſtné quidquam proprius ſolo
quām ſolium ?

Eſtné quidpiam proprius Cælo
quām Virtus ?

Mifera vicinitas !

Quo proximiores vanitati ſumus,
eo remotores reddimur virtuti !

& tamen

Nihil deeft
ad vſurpandum

Vanitati ;

Nihil Superbiæ ad arrogandum,
Ipsi Cælo ,

Aſtris, Naturæ, Angelis,
Superis ,

Nomina , Titulosq;
ademimus !

Serenitatem Cælo ,

Excellentiam naturæ,
Celsitudinem aſtris,

Illustritatem Soli,

Eſti-

Eminentiam Angelis
ac demum invictam ſupēris
potentiam nobis tri-
buimus !

Nihilq; iam deeft, niſi vt oblii originis
conditionisq; humanae immortales
nos æternosq; appellemus !

O Insana Ambitio !

Quid prodeſt ,
ô Mortalis !

Elatum ſolium ,

Vana nominis umbra ,

Si te prodiſt origo ,
Obfuscat vitium ,

Virtus deferit ,
Fortuna calcat ,

Mors æquat ,

Terraq; ſepellit !

Videri cupis Dominus Regnorum ,
& ſervus es vitiorum ?

Ascen-

Ascendere Thronos desideras ; & non
vides scabellum te esse fortunæ ?
Dare Iura præsumis ; & nescis an obser-
ves, quod tibi æternum Numen
præscripsit ?

Placet tibi tiara, gemmisq; illustre dia-
dema ; & non cernis quām graves tra-
hat secum curas, invidaq; odia ?
Arrides famulantium turbis ; & non
vides fortunæ eos suæ, non tibi
famulari ?

Purpura ornari gaudes vesteq; Tyriâ,
& non doles nudum te esse virtute,
quam non curas ?

Superbis abundas opibus, amplis ho-
noribus, immensis nominibus, titulis;
laudibus tumescis ; & ignoras quām
proprium sit tumoris, premi,
Elati Iacere.

Superbientis calcari !

Crede mihi,

*Regem non faciant Sceptra ,
non gravis auro purpura , non*

*non splendens corona gemmis ,
non vulgi turba tumidi.*

Virtus regnare facit.
*Omnisq; potestas virtuti ,
non Regno servit.*

*Illeq; est Cæsar
Qui sibi sua regna tradit .
Cui virtus coronam.
Paucis dicam.*

Mens bona Regnum possidet.

Hanc vobis,
O commortales !
Semper æquam & tranquillam,
Virtutis sociam ,
Fortunæ Dominam ,
Mentem

dico,
Veram, optimam, immortalem ,
& quam
Fœlicissimo omnium vocabulo
complectar

Supre-

Supremæ Mentis delicium
ardens voveo,

is qui

Anagrammaticè

Ambiens nulla Regna posco ,
Laus mihi ac Regnum sis ,
Sola Virtus.





